

四庫全書

史部

欽定四庫全書

史部

欽定皇輿西域圖志卷八

詳校官通政使_臣夢吉

檢討_臣德生覆勘

總校官候補中允_臣王燕緒

校對官中書_臣吳樹萱

謄錄監生_臣褚兆麟

欽定四庫全書

欽定皇輿西域圖志卷七目錄

畧度二

天山南路

欽定四庫全書

欽定皇輿西域圖志

一

欽定皇輿西域圖志卷七

欽定四庫全書

欽定皇輿西域圖志卷七

晷度二

天山南路

闡展屬

闡展城 北極高二十四度五十二分距京師偏西
二十五度四十五分 夏至晝長六十刻十分夜
長三十五刻五分冬至晝長三十五刻五分夜長

六十刻十分 午正日景夏至長三尺五寸二分
冬至長二丈二尺八寸三分春秋分長九尺二寸
八分

塔呼 北極高四十三度十九分距京師偏西二十
四度二十三分 夏至晝長六十刻十二分夜長
三十五刻三分冬至晝長三十五刻三分夜長六
十刻十二分 午正日景夏至長三尺六寸一分
冬至長二丈三尺三寸三分春秋分長九尺四寸

三分

洪 北極高四十二度五十分距京師偏西二十五
度一分 夏至晝長六十刻十分夜長三十五刻
五分冬至晝長三十五刻五分夜長六十刻十分
午正日景夏至長三尺五寸一分冬至長二丈
二尺八寸春秋分長九尺二寸七分

魯克察克 北極高四十二度四十分距京師偏西
二十六度十一分 夏至晝長六十刻八分夜長

三十五刻七分冬至晝長三十五刻七分夜長六十刻八分
午正日景夏至長三尺四寸八分冬至長二丈二尺六寸二分
春秋分長九尺二寸三分

土爾番 北極高四十五度四分距京師偏西二十

六度四十五分 夏至晝長六十刻十二分夜長

三十五刻三分冬至晝長三十五刻三分夜長六

十刻十二分 午正日景夏至長三尺九寸六分

冬至長二丈五尺四寸五分春秋分長一丈零二分

招哈和屯 北極高四十三度六分距京師偏西二十六度五十二分 夏至冬至晝夜長刻分與土爾番同 午正日景夏至長三尺五寸六分冬至長二丈三尺零九分春秋分長九尺三寸六分

伊拉里克 北極高四十二度五十六分距京師偏西二十度二十五分 夏至晝長六十刻十分夜

長三十五刻五分冬至晝長三十五刻五分夜長
六十刻十分午正日景夏至長三尺五寸三分
冬至長二丈二尺九寸一分春秋分長九尺三寸
哈喇沙爾屬

按天山南路惟闐展屬舊隸版籍自哈拉沙爾
以西迄於葉爾羌和闐新疆內附諸境

命使測量一如準部諸回咸有城郭可憑各就治所起
數方隅道里尤稱準的云

御製庚辰春帖子 巳卯

臘半發青陽曉春萃百祥十干週復始又慶值金穰

東陸延禧肇西師告武成南端雙鳳闕北拱萬年清

嚕斯訥默會文同

回中諸部有相沿占候書名嚕斯訥默今命欽天監官往測量日景定時

憲書節氣之差

測景詳求昏旦中從此凹睛凸鼻輩一齊受吏

驗東風

哈喇沙爾城 北極高四十二度七分距京師偏西

二十九度十七分 夏至晝長六十刻八分夜長

三十五刻七分冬至晝長三十五刻七分夜長六十刻八分
午正日景夏至長三尺三寸七分冬至至長二丈二尺零五分春秋分長九尺零四分

楚輝 北極高四十二度十七分距京師偏西二十八度三十七分
夏至晝長六十刻六分夜長三十五刻九分冬至晝長三十五刻九分夜長六十刻六分
午正日景夏至長三尺四寸冬至長二丈二尺二寸二分春秋分長九尺零九分

庫隴勒 北極高四十一度四十六分距京師偏西
二十九度五十六分 夏至晝長六十刻二分夜
長三十五刻十三分冬至晝長三十五刻十三分
夜長六十刻二分 午正日景夏至長三尺三寸
冬至長二丈一尺六寸九分春秋分長八尺九寸
三分

玉古爾 北極高四十一度四十四分距京師偏西
三十二度六分 夏至晝長六十刻二分夜長三

十五刻十三分冬至晝長三十五刻十三分夜長
六十刻二分午正日景夏至長三尺三寸三分
冬至長二丈一尺六寸六分春秋分長八尺九寸
二分

沙山北麓 北極高四十一度三十二分距京師偏
西二十九度六分 夏至晝長六十刻一分夜長
三十五刻十四分冬至晝長三十五刻十四分夜
長六十刻一分 午正日景夏至長三尺二寸六

分冬至長二丈一尺四寸六分春秋分長八尺八寸六分

庫車屬

庫車城 北極高四十一度三十七分距京師偏西三十三度三十二分 夏至晝長六十刻二分夜長三十五刻十三分冬至晝長三十五刻十三分夜長六十刻二分 午正日景夏至長三尺二寸七分冬至長二丈一尺五寸四分春秋分長八尺

八寸八分

托和龍 北極高四十一度二十分距京師偏西三
十二度四十五分 夏至晝長六十刻夜長三十
六刻冬至晝長三十六刻夜長六十刻 午正日
景夏至長三尺二寸二分冬至長二丈一尺二寸
七分春秋分長八尺八寸

赫色勒郭勒入烏恰特達里雅處 北極高四十一
度三十五分距京師偏西三十四度八分 夏至

晝長六十刻二分夜長三十五刻十三分冬至晝
長三十五刻十三分夜長六十刻二分 午正日
景夏至長三尺二寸七分冬至長二丈二尺五寸
一分春秋分長八尺八寸七分

額什克巴什 北極高四十二度九分距京師偏西
三十三度五十九分 夏至晝長六十刻六分夜
長三十五刻九分冬至晝長三十五刻九分夜長
六十刻六分 午正日景夏至長三尺三寸八分

冬至長二丈零二寸八分春秋分長九尺零五分
沙雅爾城 北極高四十一度五分距京師偏西三
十三度二十一分 夏至晝長五十九刻十三分
夜長三十六刻二分冬至晝長三十六刻二分夜
長五十九刻十三分 午正日景夏至長三尺一
寸七分冬至長二丈一尺零二分春秋分長八尺
七寸二分

托伊博羅多 北極高四十一度十分距京師偏西

三十二度五十一分 夏至晝長五十九刻十三
分夜長三十六刻二分冬至晝長三十六刻二分
夜長五十九刻十三分 午正日景夏至長三尺
一寸九分冬至長二丈一尺一寸一分春秋分長
八尺七寸四分

布古斯孔郭爾郭 北極高四十度十五分距京師
偏西三十六度五十八分 夏至晝長五十九刻
七分夜長三十六刻八分冬至晝長三十六刻八

分夜長五十九刻七分 午正日景夏至長三尺
零一分冬至長二丈零二寸六分春秋分長八尺
四寸七分

賽喇木屬

賽喇木城 北極高四十一度四十一分距京師偏
西三十四度四十分 夏至晝長六十刻二分夜
長三十五刻十三分冬至晝長三十五刻十三分
夜長六十刻二分 午正日景夏至長三尺二寸

九分冬至長二丈一尺六寸一分春秋分長八尺九寸

赫色勒 北極高四十一度四十五分距京師偏西三十四度二十五分 夏至晝長六十刻二分夜長三十五刻十三分冬至晝長三十五刻十三分夜長六十刻二分 午正日景夏至長三尺三寸冬至長二丈一尺六寸八分春秋分長八尺九寸三分

哈喇烏蘇 北極高四十一度四十五分距京師偏

西三十五度 夏至晝長六十刻二分夜長三十

五刻十三分冬至晝長三十五刻十三分夜長六

十刻二分 午正日景夏至長三尺三寸冬至長

二丈一尺六寸八分春秋分長八尺九寸三分

拜城 北極高四十一度四十一分距京師偏西三

十五度十二分 夏至晝長六十刻二分夜長三

十五刻十三分冬至晝長三十五刻十三分夜長

六十刻二分 午正日景夏至長三尺二寸九分
冬至長二丈一尺六寸一分春秋分長八尺九寸
葉伊勒干 北極高四十一度四十五分距京師偏
西三十五度三十一分 夏至冬至晝夜長刻分
與拜城同 午正日景夏至長三尺三寸冬至長
二丈一尺六寸八分春秋分長八尺九寸三分

阿克蘇屬

阿克蘇城 北極高四十一度九分距京師偏西三

十七度十五分 夏至晝長六十刻夜長三十六
刻冬至晝長三十六刻夜長六十刻 午正日景
夏至長三尺一寸九分冬至長二丈一尺零九分
春秋分長八尺七寸四分

伊勒噶齊 北極高四十一度四十四分距京師偏

西三十五度三十二分 夏至晝長六十刻二分
夜長三十五刻十三分冬至晝長三十五刻十三
分夜長六十刻二分 午正日景夏至長三尺三

寸冬至長二丈一尺六寸六分春秋分長八尺九寸二分

烏朱瑪 北極高四十度距京師偏西三十六度四十五分 夏至晝長五十九刻七分夜長三十六刻八分冬至晝長三十六刻八分夜長五十九刻七分 午正日景夏至長二尺九寸七分冬至長二丈零四分春秋分長八尺三寸九分

哲爾格哲克得 北極高四十度五十二分距京師

偏西三十七度三十八分 夏至晝長五十九刻
十一分夜長三十六刻四分冬至晝長三十六刻
四分夜長五十九刻十一分 午正日景夏至長
三尺一寸三分冬至長二丈一尺八寸三分春秋
分長八尺六寸五分

烏什屬

烏什城 北極高四十一度六分距京師偏西三十
八度二十七分 夏至晝長六十刻夜長三十六

刻冬至晝長三十六刻夜長六十刻 午正日景
夏至長三尺一寸八分冬至長二丈一尺零四分
春秋分長八尺七寸二分

色帕爾拜 北極高四十一度一分距京師偏西三
十八度五十二分 夏至晝長五十九刻十三分
夜長三十六刻二分冬至晝長三十六刻二分夜
長五十九刻十三分 午正日景夏至長三尺一
寸六分冬至長二丈零九寸七分春秋分長八尺

卷七
七寸

素衮 北極高三十九度五十分距京師偏西四十
一度九分 夏至晝長五十九刻五分夜長三十
六刻十分冬至晝長三十六刻十分夜長五十九
九刻五分 午正日景夏至長二尺九寸三分冬
至長一丈九尺九寸春秋分長八尺三寸四分

喀什噶爾屬

喀什噶爾城 北極高三十九度二十五分距京師

偏西四十二度二十五分 夏至晝長五十九刻
九分夜長三十六刻六分冬至晝長三十六刻六
分夜長五十九刻九分 午正日景夏至長二尺
八寸六分冬至長一丈九尺五寸四分春秋分長
八尺二寸二分

鄂什 北極高四十度十七分距京師偏西四十二
度五十一分 夏至晝長五十九刻九分夜長三
十六刻六分冬至晝長三十六刻六分夜長五十

九刻九分 午正日景夏至長三尺零二分冬至
長二丈零二寸九分春秋分長八尺四寸八分

阿喇古 北極高三十九度五十二分距京師偏西
四十二度四十一分 夏至晝長五十九刻十三
分夜長三十六刻二分冬至晝長三十六刻二分
夜長五十九刻十三分 午正日景夏至長二尺
九寸四分冬至長一丈九尺九寸三分春秋分長
八尺三寸五分

赫色勒布伊 北極高三十八度三十分距京師偏
西四十度五十分 夏至晝長五十八刻十二分
夜長三十七刻三分冬至晝長三十七刻三分夜
長五十八刻十二分 午正日景夏至長二尺六
寸八分冬至長一丈八尺七寸九分春秋分長七
尺九寸五分

英噶薩爾 北極高三十八度四十七分距京師偏
西四十一度五十分 夏至晝長五十八刻十分

夜長三十七刻五分冬至晝長三十七刻五分夜
長五十八刻十分 午正日景夏至長二尺七寸
四分冬至長一丈九尺零二分春秋分長八尺零
四分

托璞魯克 北極高三十八度二十九分距京師偏
西四十一度十二分 夏至晝長五十八刻十二
分夜長三十七刻三分冬至晝長三十七刻三分
夜長五十八刻十二分 午正日景夏至長二尺

六寸八分冬至長一丈八尺七寸八分春秋分長七尺九寸五分

葉什勒庫勒 北極高三十八度二十八分距京師偏西四十六度三十分 夏至晝長五十八刻十二分夜長三十七刻三分冬至晝長三十七刻三分夜長五十八刻十二分 午正日景夏至長二尺六寸五分冬至長一丈八尺六寸六分春秋分長七尺九寸一分

葉爾羌屬

葉爾羌城 北極高三十八度十九分距京師偏西
四十度十分 夏至晝長五十八刻十分夜長三
十七刻五分冬至晝長三十七刻五分夜長五十
八刻十分 午正日景夏至長二尺六寸五分冬
至長一丈八尺六寸五分春秋分長七尺九寸
巴爾楚克 北極高三十九度十五分距京師偏西
三十九度三十五分 夏至晝長五十八刻十分

夜長三十七刻五分冬至晝長三十七刻五分夜
長五十八刻十分 午正日景夏至長二尺八寸
二分冬至長一丈九尺四寸春秋分長八尺一寸
七分

庫克雅爾 北極高三十七度七分距京師偏西三
十九度二分 夏至晝長五十八刻四分夜長三
十七刻十一分冬至晝長三十七刻十一分夜長
五十八刻四分 午正日景夏至長二尺四寸三

分冬至長一丈七尺七寸五分春秋分長七尺五寸七分

薩納珠 北極高三十六度五十八分距京師偏西三十七度四十七分夏至晝長五十八刻二分夜長三十七刻十三分冬至晝長三十七刻十三分夜長五十八刻二分午正日景夏至長二尺四寸冬至長一丈七尺六寸四分春秋分長七尺五寸三分

都窪 北極高三十六度五十二分距京師偏西三
十七度七分 夏至晝長五十八刻二分夜長三
十七刻十三分冬至晝長三十七刻十三分夜長
五十八刻二分 午正日景夏至長二尺三寸八
分冬至長一丈七尺五寸七分春秋分長七尺五
寸

阿克阿里克 北極高三十七度四十一分距京師
偏西三十九度四十八分 夏至晝長五十八刻

六分夜長三十七刻九分冬至晝長三十七刻九分
夜長五十八刻六分 午正日景夏至長二尺
五寸三分冬至長一丈八尺一寸六分春秋分長
七尺七寸二分

塞爾勒克 北極高三十七度四十八分距京師偏
西四十二度二十四分 夏至晝長五十八刻十
分夜長三十七刻五分冬至晝長三十七刻五分
夜長五十八刻十分 午正日景夏至長二尺五

寸五分冬至長一丈八尺二寸五分春秋分長七尺七寸六分

喀爾楚 北極高三十一度十一分距京師偏西四十二度三十二分 夏至晝長五十六刻二分夜長三十九刻十三分冬至晝長三十九刻十三分夜長五十六刻二分 午正日景夏至長一尺三寸五分冬至長一丈四尺一寸一分春秋分長六尺零五分

和闐屬

額里齊 北極高三十七度距京師偏西三十五度
五十二分 夏至晝長五十八刻二分夜長三十
七刻十三分冬至晝長三十七刻十三分夜長五
十八刻二分 午正日景夏至長二尺四寸冬至
長一丈七尺六寸六分春秋分長七尺五寸

玉隴哈什 北極高三十六度五十二分距京師偏
西三十五度三十七分 夏至晝長五十八刻二

分夜長三十七刻十三分冬至晝長三十七刻十三分夜長五十八刻二分
午正日景夏至長二尺三寸八分冬至長一丈七尺五寸七分春秋分長七尺五寸

哈喇哈什 北極高三十七度十分距京師偏西三十六度十四分
夏至晝長五十八刻十分夜長三十七刻五分冬至晝長三十七刻五分夜長五十八刻十分
午正日景夏至長二尺四寸三分

冬至長一丈七尺七寸八分春秋分長七尺五寸

八分

齊爾喇 北極高三十六度四十七分距京師偏西

三十二度四十二分 夏至晝長五十八刻二分

夜長三十七刻十三分冬至晝長三十七刻十三

分夜長五十八刻二分 午正日景夏至長二尺

三寸六分冬至長一丈七尺五寸一分春秋分長

七尺四寸八分

塔克 北極高三十六度十三分距京師偏西三十
三度四十五分 夏至晝長五十七刻十三分夜
長三十八刻二分冬至晝長三十八刻二分夜長
五十七刻十三分 午正日景夏至長二尺二寸
六分冬至長一丈七尺一寸一分春秋分長七尺
三寸二分

克勒底雅 北極高三十七度距京師偏西三十三
度二十五分 夏至晝長五十八刻二分夜長三

十七刻十三分冬至晝長三十七刻十三分夜長
五十八刻二分 午正日景夏至長二尺四寸冬
至長一丈七尺六寸六分春秋分長七尺五寸四
分

按北極高偏度分及晝夜時刻午正日景皆就
新疆各屬地形高下測量而得非如古分野之
說託諸空虛也西域分野舊惟附于雍州井鬼
之次參用漢志其界自宏農故關以西之說以

京師偏西十八度三十二分至四十度三十三分當屬井宿自偏西四十度三十三分至四十七度當屬參宿而始盡夫天山南北路準回諸境然考唐書西域傳貞觀二十一年議討焉耆是夜月食昴詔日月陰精用刑兆也星胡分數且終是又以昴為西域分星與井參之說不合況如春秋內外傳所載祇渾舉某宿屬某國其晰指度分始于漢初堪輿家顧謂郡國所入度

非古數鄭康成早已疑之又古人分星或以配
食或以主祀若以恒星次第分配十二州東西
南北方位則據其一必違其八而二十八宿之
躔已盡于中土外此大地尚賒更於何所附麗

洪惟

聖論昭垂見于毛晃禹貢指南詩注炳照日月臣等數
四紬繹知九州十二次之說流傳近誣而占驗
機祥更非正道故于西域分野舊說均置弗錄

而後綴論其大槩如此

欽定皇輿西域圖志卷七

欽定四庫全書

欽定皇輿西域圖志卷八

疆域

臣等謹按古者度地分野辨服區州禹跡成經職方命氏申郊圻而固封守列藩鎮以周天下莫不賅通八埏條貫九域此地理郡國之志所由作也若夫大荒以外提封不及號稱四塞而西境尤廣夏書即叙之義僅紀流沙王制狄韞之通未區方

域三代以降紀載日詳班范二史舊稱該洽亦不
過臚列國之名稱準道里之遠近其於都城亭堡
之殊形原隰墟沙之異致罕得而詳焉唐志西域
兼採釋氏所述稱名頗異於古列為州府僅曰羈
縻錯壤之疆域不分領州之名號或缺揆厥所由
豈非存駕馭之名鮮開闢之實有都護校尉之置
而不能革單于之頭銜有安西北庭之隸而不能
登農部之版籍是以方隅猶具圭臬難徵也歟我

朝統壹函夏式廓丕基茲復會逢

盛際收準夷之疆索輯回部之叛章其人民足以守
耕牧之業其土宜足以昭貢賦之經爰設郡縣建
學校與內地赤縣神州相表裏固已遠軼漢唐而
上矣今試覽其崖畧玉關東峙洱海西環廬帳區
分城垣保界莫不仰流鱗集繩貫絲聯以成大一
統之盛於是區列部以居方辨廣輪而知數首紀
安西南北路次紀天山南北路表百餘年

謨烈之長著二萬里

聲靈之遠其歷代以來沿革故寔史傳足徵者亦隨地
引證使首尾貫穿用資考鏡夫不履虞淵之濱不
知日月之所屆不登崑崙之頂不悟天地之無窮
臣等躬逢

郅治記載

鴻圖括兩戒於階庭鞏九州如戶闥是誠伊古以來郡
國地理諸書所未臻之極軌也志疆域第五

欽定四庫全書

欽定皇輿西域圖志卷八目錄

疆域一 安西南路

嘉峪關

安西州屬

安西州治

得勝墩

小灣堡

雙塔堡

布朗吉

柳溝堡

馬蓮井

橋灣堡

新瓜州

古瓜州

百齊堡

踏實堡

苦峪

石包城

蘆草溝

玉門縣治

高見灘

駟馬城

惠回堡

靖逆城

塔兒灣堡

敦煌縣治

甜水井

黃塹堡

青墩峽

沙棗墩

黨城

呼羅蘇台

古玉門關

古陽關

白龍堆

流沙

色爾騰海

噶斯

欽定皇輿西域圖志卷八目錄

欽定四庫全書

欽定皇輿西域圖志卷八

疆域一

安西南路

嘉峪關

嘉峪關為西域東陲在肅州西七十里嘉峪山西麓西距玉門縣一百八十里距安西州六百五里其地屬漢酒泉郡之祿福縣後漢改福祿縣晉魏

周因之隋大業初改屬張掖郡義寧初改酒泉縣
唐武德二年屬肅州大歷初陷吐蕃宋入西夏元
屬肅州路明屬肅州衛洪武五年馮勝下河西置
嘉峪關以限中外為西域貢道所從入嘉靖二年
閉關自守

本朝初屬肅州衛雍正二年裁衛屬甘州府七年改
屬肅州關城周二百二十二丈西四十里曰雙井
又西接安西州玉門縣界

明史地理志肅州衛西有嘉峪山其西麓即嘉峪
關也宏治七年扁關曰鎮西西域傳太宗置哈密
沙州赤斤罕東四衛於嘉峪關外以屏蔽西陲
按漢列四郡唐據瓜沙古稱西域門戶以玉門
陽關為扼要明初嘉峪關之設是曰重門李世
因循諸番內徙但以嘉峪為中外巨防聲教所
及不踰閨闥我

朝初五衛之立聲援聯絡長策遠馭西屆流沙

皇上德威遐暢底定西陲葱嶺以西儼同內地惟是

列聖經營之區撫綏駕御升廳衛為州縣適當大武告成
之後未可以畧而弗書爰追舊邊之屏翰拓全
盛之山川仍以嘉峪關為首

安西州屬 舊為靖逆赤金柳溝安西沙州五衛地
設安西鎮乾隆二十四年西域平以其地置安西
府統縣三淵泉墩煌王門三十八年裁府以淵泉
縣地改安西州統縣二敦煌王門州境東接肅州

界北接哈密界西至流沙南至南山

漢書地理志酒泉郡武帝太初元年開縣九祿福

表是樂涇天依玉門會水池頭綏彌乾齊敦煌郡
武帝後元年分酒泉置縣六敦煌冥安效穀淵泉
廣至龍勒

後漢書郡國志酒泉郡武帝置雒陽西四千七百
里九城福祿表氏樂涇玉門會水沙頭安彌乾齊
延壽敦煌郡武帝置雒陽西五千里六城敦煌冥

安效穀拼泉廣至龍勒

晉書地理志

元康五年惠帝分敦煌郡之宜禾伊

吾真安深泉廣至等五縣分酒泉郡之沙頭縣又

別立會稽新鄉凡八縣為晉昌郡張駿分酒泉為

涼州敦煌晉昌為沙州張祚又以敦煌郡為商州

隋書地理志

敦煌郡舊置瓜州統縣三敦煌常樂

王門

唐書地理志

沙州敦煌郡下都督府本瓜州武德

五年曰西沙州貞觀七年曰沙州縣二敦煌壽昌
瓜州晉昌郡下都督府武德五年析沙州之常樂
置縣二晉昌常樂肅州酒泉郡下武德二年析甘
州之福祿瓜州之玉門置縣三酒泉福祿玉門

五代史四裔附錄唐文宗時嘗遣使者至西域見
甘涼瓜沙等州城邑如故而陷虜之人語言稍變
衣服猶不改至五代時吐蕃已微弱回鶻党項分
侵其地惟甘涼瓜沙四州常自通中國涼瓜沙三

州將吏猶稱唐官數來請命周世宗時涼州遂絕
於中國獨瓜沙二州終五代常來

元史地理志宋景祐初西夏陷瓜沙肅三州盡得
河西故地金因之元太祖二十二年破其城以隸
八都大王至元十四年復立州十七年升為沙州
路總管府瓜州隸焉

按漢晉酒泉郡所屬之福祿表是樂涇三縣唐
肅州酒泉郡所屬之福祿舊地在今俱屬肅州

是今安西州本境及所屬敦煌玉門二縣境以
漢晉敦煌一郡之全而兼酒泉郡之半以唐沙
瓜兩州之全而兼肅州之半北魏分置會稽王
門常樂三郡隋并為敦煌一郡實與今之州屬
全境相準也唐至德後陷吐蕃大中五年沙州
刺史張義潮以其地來歸唐末復陷五代因之
宋入西夏元屬肅州沙州路明為赤斤蒙古沙
州二衛地我

朝初屬邊外雍正三年始設安西鎮領靖逆赤金柳溝安西沙州五衛近以武功耆定

詔升府縣嗣因移設鎮西府于巴爾庫勒安西復改府為州關外雄封茲其首著矣

安西州治

安西州治在嘉峪關西六百五里玉門縣治西四百二十五里敦煌縣治東二百七十里乾隆二十四年以安西柳溝二衛地改置淵泉縣與安西府

同城二十七年移安西府於敦煌縣遂為淵泉縣
治三十七年復移安西府來治三十八年改府為
直隸安西州淵泉縣裁以縣境為州境東至三道
溝七十里西至蘆草溝九十里南至南山三百里
北至半池泉八十里距京師六千三百十里城周
四里二分東西南北凡四門城內有

萬壽宮

關帝廟城隍廟城外有風雲雷雨壇社稷壇先農壇

乾隆三十三年移建新城於舊治南二里城周三里三分東南北三門全境所轄為漢冥安淵泉廣至三縣地

漢書地理志敦煌郡淵泉縣師古曰闐駟云地多泉水故以為名

隋書地理志敦煌郡統縣常樂後魏置常樂郡後周併涼興大至冥安閏泉合為涼興縣開皇初郡廢縣改為常樂

唐書地理志瓜州晉昌郡縣二晉昌武德四年更名常樂武德五年別置

按淵泉縣漢時舊名後漢改拼泉晉曰深泉並屬敦煌郡第考漢書敦煌郡在酒泉郡西所領六縣淵泉最東西曰冥安又西北曰廣至又西曰敦煌又西南曰效穀又西曰龍勒今安西州屬之柳溝衛城左右為十道溝水西南有黑水橋亂泉子等處當為漢淵泉縣地又今安西州

城北有蘇賴昌馬兩河合流西注為南籍端水
又西入於哈喇淖爾南籍端水即冥水當為漢
冥安縣地漢廣至縣為唐常樂縣東至瓜州一
百五十里今安西州治西北一百五十里為百
齊堡當為漢廣至縣地是今安西州本境兼有
漢時冥安淵泉廣至三縣地也晉之宜禾新鄉
伊吾為廣至分邑境地毗連是又兼有晉時廣
至宜禾冥安深泉伊吾新鄉六縣地而隋之常

樂縣唐之常樂晉昌二縣皆與今安西州本境
疆域相準也至於漢敦煌效穀龍勒乃今之敦
煌縣境說見後

得勝墩

得勝墩在州治北五里舊無水泉乾隆二十二年
大兵討準噶爾師出其地湧甘泉數十處士馬得
濟

勅建龍神廟於此

封助順昭靈龍神遣官告祭每歲春秋致祀

勅建助順昭靈龍神廟碑文

國家德被遐方威宣絕漠不惟師武臣力亦實有神靈之助用能厚集士衆克成大勛惟嘉峪關本酒泉故郡素稱天險關門外為戈壁地沙磧彌望澶漫逶迤向因艱於水泉行旅重困朕蕩平西域誅其一二芟孽之不順命者爰整六師果入其阻初慮士馬萬衆綆汲或缺於供及行其地而甘泉隨地湧出滃滃然汨汨然渟泓

參漉不特荷父之士漱濯清流而馬駝絡繹赴飲不遺
按酒泉城下舊有金泉泉味如酒漢氏遂以名郡茲泉
出自沙漠瑞應尤異守土之吏以告朕惟祭法德施於
民則祀之當疆事方殷而泉流肆溢天人協應靈貺聿
臻其事非偶爰封神為助順昭靈龍神命守臣經營高
敞建立神廟春秋祀事惟謹繡棟雲楣崇巖巨鎮屹峙
闕外廟既成當建碑紀述神之功烈守臣缺石以請稽
諸古人君為政太平則醴泉湧朕嗣守鴻業圖大思艱

命將出師龔行

天討掃百年逋誅之寇用以繼承

先緒式廓丕基計自今邊圉靜謐屯牧安恬其所以荷

天庥而迓神祐者萬萬禩靡有紀極爰系以銘銘曰嘉峪
之山巖闕我我六師于征後舞前歌宛宛流沙迢迢遠道
天戈所臨地不愛寶連巖滋液並醴䟽甘光澄氷鏡潔
比秋潭汲之日新挹之無竭士飽馬騰霜清月澈廼營
高敞廼建薨標春秋載薦丹荔黃蕉斟酌靈泉惟神之

庇洗兵萬載錫我繁祉

勅建助順昭靈龍神廟歲祭文

惟神德溥澤民恩施育物拱巖闕而作鎮氣感風雲臨
瀚海以垂波功先潤澤惟酒泉之故地實戈壁之荒陲
沙磧彌途向乏靈源之涌輪蹄遙邁載深渴飲之思朕
命將于征指平沙而迅發全師所過恰膏液之滂滋萬
馬騰驤快適奔泉之性千軍挹注咸歌洄酌之甘儼賚
賜之壺漿飲和食德等驅馳於衽席養欲給求凡茲行

李之往來普頌淵澄之功烈仰承

天佑敬迓神庥申命守臣經營敞地閔宮大啟雕几恪陳
繡栱差莪薈蔚川原之氣采椽嶸嶸紛藻行之華爰
於靈廟之落成更遣專官而將事雲旃羽罕覘秘殿之
森挺桂酒椒漿共明流而漱灑嗣此涵濡庶彙覩清泚
之常流衍護深源永濬發而不竭尚祈昭格鑒此精禋

小灣堡

小灣堡在得勝塾東南七十五里踰河而至西距

州治七十里

雙塔堡

雙塔堡在小灣堡東五十里西距州治一百三十里有城周一里有奇雍正六年築西南境有雙塔西三十里地名渠口

布朗吉

布朗吉在雙塔堡東四十里西距安西州治一百六十里地多檉柳有泉水東為十道溝西為布朗

吉河一名窟窿河舊有安西鎮城後改柳溝衛治
今廢

按漢淵泉縣東與酒泉郡之池頭會水相接地
皆以水得名今布朗吉城東有十道溝水與闕
駟所云地多泉水之說合又考唐書地理志晉
昌縣東北有合河鎮今蘇賴昌馬兩河合流由
靖逆衛北折而西會十道溝水西流經此則所
謂合河鎮者當與今布朗吉之柳溝故城相近

也

柳溝堡

柳溝堡在布朗吉東七十里西距州治二百三十里十道溝水經流左右

本朝康熙五十七年初建柳溝所築堡於此雍正五年陞衛移治布朗吉改舊所為柳溝堡是為安西州東界

馬蓮井

金史地理志卷八
馬蓮井在州治西北三百二十里自州治北行七
十里為白墩又八十里為紅柳園又八十里為大
泉又西北九十里至此為安西州最北境接哈密
界

橋灣堡

橋灣堡在柳溝堡北四十里西距州治二百七十
里有城雍正十年築南北二門自堡西北行九十
里為東黃蘆岡又九十里為尖山子又九十里為

茨窩泉又九十里為東長流水又一百里為白芨
芨灘又一百里至馬蓮井別自東長流水西北行
五十里為青山子又七十里為烏拉大泉又北七
十里為蘆岡泉為安西州東北境接哈密界

按漢時廣至一縣晉分四縣曰廣至曰宜禾曰

新鄉曰伊吾今百濟堡即廣至縣地

說見後

東接

沙頭西界敦煌由是而南為新鄉

即今踏壩堡說見後

北

為宜禾為伊吾伊吾縣以伊吾盧故地得名附

近敦煌北境則宜禾一縣當在今安西州北境
自得勝墩橋灣堡迤北一帶無疑特其故城基
址不可考耳一統志載宜禾故城在晉昌郡北
界方位亦合

新瓜州

新瓜州在安西州西南三十里舊為安西衛治地
雍正十三年土爾番為準噶爾所擾其酋額敏和
卓率所部回民內附於安西鎮西築五堡居之頭

堡在鎮西南二十五里二堡在頭堡西南十里三堡在二堡西北十里四堡在三堡西北四里五堡在四堡東北十里別於頭堡數里之內築新瓜州城

古瓜州

古瓜州在新瓜州西十五里東距安西州治四十里有土城

唐書吐蕃傳悉諾邏恭祿燭龍莽布支入陷瓜州

毀其城

〔明史西域傳〕自赤斤蒙古西行二百里曰苦峪自苦峪南折而西百九十里曰瓜州

按左傳襄公十四年范宣子將執戎子駒支親數諸朝曰昔秦人迫逐乃祖吾離於瓜州昭公九年詹桓伯曰允姓之姦居於瓜州漢書地理志敦煌郡敦煌縣廣步侯官以為古瓜州地生美瓜是春秋時之瓜州為漢敦煌縣地與淵泉

冥安廣至之地無涉元和志沙州漢敦煌郡前涼張駿於此置沙州後魏太武於郡置敦煌鎮明帝廢鎮立瓜州則已併漢淵泉冥安廣至縣統名瓜州矣明帝尋改義州莊帝又改瓜州大業三年罷州為敦煌郡武德二年復置瓜州五年改為沙州而析沙州之常樂置晉昌常樂二縣為瓜州晉昌郡於是瓜州之名又專屬漢時冥安淵泉廣至三縣之地而敦煌縣以西反不

及焉今之新舊瓜州在漢為冥安縣境後魏初
唐稱名可考第按諸春秋時之瓜州已非其舊
即視武德析置之始亦偏而不全沿革所係遺
蹟粗存新舊之名存而不論可也

百齊堡

百齊堡在新瓜州西北六十里東距州治九十里
城周一里五分雍正十二年築為漢廣至縣地西
有舊百齊堡

漢書地理志廣至縣宜禾都尉治昆侖障莽曰廣桓

後漢書西域傳延光二年敦煌太守張璠上書以酒泉屬國吏士二千餘人集昆侖塞擊呼衍王唐章懷太子賢注云廣至故城在今瓜州常樂縣東元和志常樂縣東至州一百十五里本漢廣至縣地

寰宇記廣至故城在常樂縣西北恒以大石棧之

稍開即有風暴至傷人

按漢之廣至縣在唐為常樂據後漢書注廣至
故城在常樂東境今百齊堡東至安西州治一
百五十里州治為唐瓜州晉昌郡治即元和志
所謂東至瓜州一百十五里者是也

踏實堡

踏實堡在州治南九十里有城周一里八分門二
雍正五年築南倚南山東北有特布忒河西一百

里為樹溝又西接敦煌縣界

晉書地理志元康五年惠帝分敦煌郡別立會稽

新鄉

通典自瓜州南至新鄉鎮一百十里

按晉書敦煌郡統縣有新鄉為廣至分邑今踏
實堡在州治南九十里與通典之說相近當即
古新鄉縣也

苦峪

苦峪在踏實堡東五十里西北距州治二百里有土城西南境平田千頃東北二百里舊有河通蘇賴昌馬兩河交會處今涸

明史西域傳宣德十年沙州衛都指揮僉事坤濟勒舊作因即來今改正為哈密所侵走附塞下邊臣請移之

苦峪命治苦峪城正統六年城成十三年邊將護

哈密使臣至苦峪赤斤都指揮總伊加勒舊作總兒加陸

今改正等率衆圍其城天順七年哈密哀微迤北酋

寄寄肅蘭

舊作肅蘭今改正

襲破其城王母率親屬部

落走苦峪成化二年兵部言王母避苦峪久今賊

已退宜令還故土從之八年土爾番

舊作吐魯番今改正

襲

破其城執王母十年都督哈森

舊作罕慎今改正

退居苦

峪命權主國事築苦峪城移哈密衛於其地十八

年哈森襲哈密破之遂還故土孝宗七八年間兵

部侍郎張海修苦峪城發流寓番人及寄居赤斤

者赴苦峪及瓜沙州十七年占特木爾

舊作真帖木兒今改

正主哈密善巴

舊作陝巴
今改正

走苦峪

沙州衛赤斤蒙古衛哈密衛傳

纂合

按赤斤蒙古酋阿速之父塔爾尼居左帳其異

母兄索哈

舊作珊合
今改正

居右帳彼此不相能阿速

因報父怨而圍苦峪則苦峪城應是當時右帳所居之地而成化間復加築之以移建哈密者也苦峪城一名上達爾圖又靖逆本名苦峪亦名達爾圖故此稱上達爾圖以別之也

石包城

石包城在苦峪城西南山谷間北距州治二百九十里壘石為城勢極高峻有藥泉味醇如酒相傳飲之愈疾

按石包城在今踏實堡南以踏實堡為新鄉縣地則石包城或屬新鄉故城也

蘆草溝

蘆草溝在古瓜州西四十里東距州治九十里與

敦煌縣東境之甜水井接界

以上屬安西州本境

玉門縣治

玉門縣治在嘉峪關西一百八十里西距州治四百二十五里乾隆二十四年以赤金靖逆二衛地改置東至肅州界一百四十里西至三道溝安西州本境一百三十里南至雪山一百里北至鹽池一百五十里距京師六千一百九十里城周二里

二分南北三門康熙五十年以舊城改築城內有城隍廟城南有風雲雷雨壇全境所轄為漢王門天依會水池頭安彌乾齊二縣地

漢書地理志酒泉郡王門縣師古曰闕駟云漢罷王門關屯徙其人於此

隋書地理志敦煌郡統縣王門後周為會稽縣開皇中改為王門併得後魏王門郡地

唐書地理志肅州酒泉郡王門縣貞觀元年省後

復置開元中沒吐蕃因其地置王門軍天寶十四載廢軍為縣

明史西域傳驢馬城西八十里即赤斤蒙古洪武

十三年都督濮英西討進至赤斤站護幽王額林

沁

舊作亦憐真今改正

永樂二年塔爾尼

舊作塔力尼今改正

來歸設

赤斤蒙古所八年改衛成化十九年隣番野訥克

里

舊作也克力今改正

來侵赤斤遂殘破正德八年土爾

番據哈密大掠赤斤已番賊犯肅州赤斤當其衝

益遭蹂躪部衆不能自存內徙肅州之南山其城遂空

按王門縣為漢時舊名屬酒泉郡三國晉因之又分置會稽縣屬晉昌郡前涼置寧涼郡西涼置會稽郡北魏屬會稽郡周廢郡併為會稽縣隋開皇中改王門縣屬敦煌郡唐屬肅州酒泉郡開元中沒吐蕃置王門軍天寶十四載廢五代屬吐蕃宋入西夏元屬肅州路明屬赤斤蒙

古衛入

本朝為赤金衛改設守禦千戶所尋復陞衛今改縣
此古今沿革之大略也今以史傳証之漢酒泉
郡居敦煌郡東所領九縣樂涇最東次福祿次
表氏次天隄在玉門之東會水池頭在玉門之
西與敦煌郡東之淵泉縣接界綏彌乾齊在會
水西南後漢無天隄有延壽知延壽即天隄地
也今玉門縣即赤金衛地在嘉峪關西一百八十

里以博物記延壽縣南有石漆元和志石脂水
在玉門縣東南一百八十里之文証之則漢之
天隄延壽在今玉門縣東南境也池頭會水淵
泉皆以水得名關駟云衆水所會故曰會水地
多流水故曰淵泉今蘇賴昌馬兩河合流分注
於靖逆故城之東西又西為十道溝水至於柳
溝源泉競發以東西方位考之則靖逆故城當
屬漢之池頭十道溝地當屬漢之會水柳溝故

城當屬漢之淵泉漢會水縣注北部都尉治偃
水障東部都尉治東部障乾齊縣注西部都尉
治西部障而乾齊與安彌地接會水在東北乾
齊安彌在西南則乾齊安彌故地當在今十道
溝南也據此則今玉門縣全境實兼有漢時天
隄玉門會水池頭安彌乾齊之地惟福祿樂涇
表氏東屬肅州與今縣境無涉晉時玉門第仍
漢舊即舊赤金衛地隋玉門縣西與常樂縣接

唐玉門縣西與瓜州晉昌郡之晉昌縣接隋之常樂唐之晉昌為柳溝安西二衛故地隋唐玉門縣與之接壤是已兼有舊赤金靖逆兩衛地與今玉門縣疆域大率相準也

又按五代晉高居晦使于闐記自肅州渡金河西百里出天門關又西百里出玉門關即故縣也據此則玉門縣之東關亦稱玉門關與敦煌縣西之古玉門關無涉至玉門縣於漢屬酒泉

而明史稱漢敦煌郡地晉屬晉昌郡唐屬瓜州
元屬沙州者非是

高見灘

高見灘在玉門縣治西六十里東北五十里有古

塔

駟馬城

駟馬城在玉門縣治東七十里西十里為火燒溝

又西為八楞墩

明史西域傳回回墓西四十里曰駟馬城洪武十

三年都督濮英西討次白城獲蒙古平章瑚圖特

穆爾

舊作忽都帖木兒今改正

進至赤斤站

按白城在赤斤站東赤斤站即今玉門縣則白城故地當在玉門縣東與駟馬城相近

惠回堡

惠回堡在駟馬城東二十里西距玉門縣治九十里雍正五年築東五十里至雙井為玉門縣東盡

金史地理志卷八
境接肅州界

明史西域傳自出嘉峪關西行至黑山兒又七十里曰回回墓

按今惠回堡即回回墓故地而墓不可考矣又今靖逆城南亦有回回墓

靖逆城

靖逆城東南距玉門縣治一百二十里城周二里南北四門

本朝康熙五十七年置靖逆衛治於此乾隆二十四年裁衛改屬玉門縣城南有仙姑廟觀音寺城北有牛王廟又北有沙崗西有紅廟又西至三道溝接安西州本境西南三十里有龍王廟為蘇賴昌馬兩河合流處

三國志魏初河右擾亂敦煌功曹張恭遣從弟華攻沙頭縣

十六國春秋段業天璽二年酒泉太守王德叛敗

奔晉昌沮渠蒙遜逐至沙頭破之

按靖逆城當屬漢沙頭縣地肅州新志云在漢
為寘安縣屬敦煌郡又引漢書地理志寘安縣
有南籍端水謂今之蘇賴河介於柳溝靖逆之
間據此斷為寘安縣地不知漢之置郡東為酒
泉西為敦煌今安西州本境之安西故衛乃漢
之寘安縣三國晉魏其名不易至靖逆衛地尚
在其東實漢池頭乾齊會水三縣地而衛城所

建當在池頭所屬之郡為酒泉而非敦煌至隋始屬敦煌而縣名玉門亦與冥安無涉至漢志所云南籍端水固即今昌馬蘇賴合流西注之河然考其源出今玉門縣南之南山經流五衛故地會十道溝黨河諸水遠輸哈喇淖爾三百餘里漢志謂出南羌中西北入其澤者乃舉其全體而言不得但云介於柳溝靖逆之間而以此証靖逆之為冥安也

塔兒灣堡

塔兒灣堡在靖逆城東北二十里東南距王門縣治一百四十里

以上屬王門縣

敦煌縣治

敦煌縣治舊為沙州衛治乾隆二十四年西域平以其地置敦煌縣二十七年移安西府來治三十七年復移府治於淵泉三十八年改府為直隸州

敦煌屬焉治在嘉峪關西八百七十里東至甜水井一百四十五里西至古營盤二百九十五里南至南山一百里北至青墩峽一百九十里西北至哈喇淖爾二百八十里縣治東距安西州治二百七十里距京師六千五百八十里城周三里三分東西南三門濠深七尺雍正三年建九年於東北三面加築外郭周五里七分東南北三面及西南面共四門城內有

萬壽宮

關帝廟城隍廟城外有風雲雷雨壇社稷壇東有先農壇西有龍王廟初府城西踰黨河有沙州故城以黨水北衝圮其東隅始移建沙州城於黨河之東今為敦煌縣治全境所轄為漢敦煌效穀龍勒三縣地

漢書地理志敦煌郡敦煌中部都尉治效穀師古曰本漁澤障也

隋書地理志敦煌郡統縣敦煌舊置敦煌郡後周併效穀壽昌二郡入焉又併敦煌鳴沙平康效穀東鄉龍勒六縣為鳴沙縣開皇初郡廢大業置敦煌郡改鳴沙為敦煌

唐書地理志沙州敦煌郡有府三曰龍勒效穀懸泉有豆盧軍神龍元年置縣二敦煌壽昌武德二年析敦煌置永徽元年省乾封二年復置開元二十六年又省後復置

明史西域傳自瓜州而西四百四十里始達沙州

永樂二年酋長坤濟勒曼集

舊作買住
今改正

率衆來歸

命置沙州衛其部下齊納

舊作赤納
今改正

來附朝貢不

絕宣德十年為哈密所侵走附塞下自是不復還

沙州但遙領其衆而已正統十一年收其全部入

塞居甘州沙州遂空為罕東酋巴特瑪噶

舊作班
麻思結

今改正所有歷景泰天順朝朝貢不廢成化十五年

於沙州故城置罕東左衛正德十一年土爾番復

據哈密左衛不能自立徙肅州塞內其部下仍居沙州服屬土爾番嘉靖七年率屬來歸沙州遂為

土爾番所有

沙州衛罕東
左衛傳合纂

按敦煌為漢時舊名漢敦煌郡所領六縣東則淵泉冥安廣至為今安西州地西則效穀西南則龍勒皆與敦煌同郡而分縣後漢因之今縣西境之黨河有農田水利之益當為效穀故縣而龍勒故城以古營盤一帶廢城基址審之亦

約畧可考是今之敦煌兼有漢時敦煌效穀龍
勒三縣地矣晉隆安中分置陽關昌蒲二縣後
魏分效穀縣置效穀郡分龍勒縣置壽昌縣至
後周改縣曰鳴沙而敦煌郡名則古今不易隋
大業初復縣名曰敦煌兼效穀龍勒二縣地自
唐武德以漢龍勒故地析置壽昌於是敦煌僅
兼效穀之地是今敦煌縣境實與隋之敦煌縣
疆域相準而於唐則兼有壽昌也建中二年陷

吐蕃大中五年沙州首領張義潮以州來歸建
歸德軍五代時號歸義軍宋入西夏元為沙州
路明置沙州衛改置罕東左衛後廢入

本朝為沙州衛今改縣此其沿革大畧之可見者又
明時安定衛阿端衛曲先衛皆在今敦煌縣西
南境外

甜水井

甜水井在敦煌縣治東一百四十五里自縣城東

行四十里為新店又三十里為圪塔井又東北四十里為空心墩又東北三十五里至此為敦煌縣東境與安西州本境西之蘆草溝接界

黃墩堡

黃墩堡在敦煌縣治西北四十里有土城周四里有奇雍正五年築自堡西北行三十里踰河又十餘里至庫克砂石

隋書地理志後周併涼興大至冥安淵泉為涼興

縣

按肅州舊志涼興城在廢瓜州西一百七十里
今黃墩堡東南距安西州之古瓜州一百七十
里與肅州舊志所載涼興城距廢瓜州里數相
合則涼興故城當在於是

青墩峽

互見
山

青墩峽地以峽名在黃墩堡西北一百五十里西
北山中為敦煌縣北境入峽口西北行經博羅特

口大泉酤水紅柳峽哈什布拉克柳樹泉五百三
十五里至哈密

沙棗墩

沙棗墩在敦煌縣治東北三十里

黨城

黨城在敦煌縣治南一百六十里黨河口建置不
知所始城基尚存又西十里有古城又西一百二
十五里有古營盤亦稱古城居高原之上南臨高

山西有古邊牆又南踰山嶺有三舊城基亦稱古營盤

按漢書地理志載敦煌郡效穀縣本漁澤障孝武元封六年濟南崔不意為漁澤尉教民力田以勤效得穀因以為縣名是效穀故縣當與黨河相近者又稱龍勒縣為都尉治至唐為壽昌縣元和志稱壽昌縣東至州一百十里本漢龍勒縣是也一統志稱效穀龍勒故縣俱在沙州

衛西與漢唐諸史所載相合今自敦煌縣西踰
黨河舊城基址不一而足則效穀龍勒城郭遺
址疑於是乎在也其謂為古營盤者明初設安
定阿端曲先罕東赤斤沙州諸衛皆以番族受
邊臣羈絡北拒蒙古南捍諸番後乃轉相侵掠
甚者邀刼朝使屢勤征討厥後土爾番據哈密
蒙古入青海南北受制沙州衛最西則最先廢
諸部亦次第殘毀而沙州遂為土爾番所有肅

州兵事日亟想見當時都督李文西征巡撫許
進會罕東兵促哈密或即舊城基址所在以為
行師頓旅之處覽其遺墟可以見前代興衰之
迹矣

呼羅蘇台

呼羅蘇台地有呼羅河故名東南距敦煌縣治一
百里地瀕哈喇淖爾

通志呼魯蘇台其地瀕哈喇池蘇賴河所匯也

按蘇賴河會流哈喇淖爾黨河南來入之兩水殊源而合流西注通志舊稱葫蘆斯太即呼魯蘇台字音之訛為蘇賴河所匯知在黨河下流匯入蘇賴河處也又云瀕臨哈喇池者此指呼魯蘇台之地而言若呼魯河固入於哈喇淖爾者豈止瀕之而已

古王門關

古王門關在呼羅蘇台西南黨河之西東距敦煌

縣治一百五十里漢武帝時置關外有五峰為赴車師前庭及疏勒之道所謂北道也關今無存

漢書西域傳東則接漢阨以玉門陽關**地理志**龍勒縣有玉門關

元和志玉門故關在龍勒縣西北一百十八里

唐書地理志壽昌西北有玉門關

按漢龍勒縣有玉門關氏置水氏置水即今黨河則黨河之在龍勒縣地玉門關之近黨河可

知也肅州新志玉門關外有三斷山石極大世謂之三隴山今黨河西有三斷山應即三隴山則黨河西之為玉門關外又可知也又漢班超疏言不敢望到酒泉郡但願生入玉門關酒泉郡即今玉門縣地在黨河東七百六十里超當時自疏勒東歸先由玉門而後至酒泉語意亦合五代高居誨使於闐記肅州渡金河西百理由天門關又西百理由玉門關是即玉門縣西

關距酒泉郡僅二百餘里又土爾番有王門口
或謂即古王門關舊輿圖謂王門關近伊犁兩
說遠近大殊皆與古傳志方隅形勢不合未足
為據也

古陽關

古陽關在王門關南紅山口西東距敦煌縣治一
百三十里漢武帝時置為赴鄯善莎車之道所謂
南道也後魏於此置陽關縣周廢

漢書地理志龍勒縣有陽關

晉書地理志敦煌郡統陽關縣

元和志陽關在壽昌縣西六里

晉高居誨使於闐記西渡都鄉河至陽關

御製陽關考

陽關之名自漢唐以來咸所稱引而遺踪湮廢道里莫徵比因西域並隸販章爰有纂輯圖志之後猷詢所及或据肅州新志載烏魯木齊西境有地名陽巴爾噶遜

以爲陽關之舊者殊不知陽乃回語蓋謂新而已爾噶
遜則厄魯特語蓋謂城亦非爲關也况烏魯木齊地在
天山之北揆其方位懸隔奚啻謬以千里計耶按漢書
地理志敦煌郡龍勒縣有陽關王門關後晉高居誨使
于闐記西渡都鄉河至陽關考都鄉河即今黨河龍勒
縣即沙州衛今爲敦煌縣地黨河在縣西境而陽關王
門關均在黨河之西陽關西而偏南故以陽名詳覈形
勢正應在今黨河西南與紅山口相近又漢書西域傳

西域三十六國東則接漢扼以王門陽關考漢時三十六國即今回部回部東境直安西府敦煌縣亦與漢書三十六國東扼陽關之文脗合至王維詩西出陽關云云送元二使安西作也考唐之安西號安西大都護府初治西州在伊州之西即今闐展也再徙高昌故地即今土魯番之交河也三徙龜茲即今庫車也前後三遷總在哈密之西是安西實在陽關以外而陽關之屬在敦煌縣境尤為昭皙無疑矣夫古今邊陲故蹟其考信

之艱非貫串諸書即源流未備然徒眩惑於誌乘家之聚訟膠轕而不能確征之我疆我理如目營手畫者然又何以斥傳譌鑿空之誣而炳焉揭以正鵠哉書此宣付館臣俾綴於編且以示一隅之舉云

按漢晉諸書陽關在今敦煌縣境而肅州新志謬引烏魯木齊西境之陽巴爾噶遜聞見淆訛未由審定伏讀

御製援據史書印合今古疏通貫串曠若發矇由是陽

關之名指歸不惑而王門關之近在陽關迤北者亦從此可推不得以土爾番之王門口當之益可見矣

以上屬敦煌縣

白龍堆

白龍堆在敦煌縣西境王門關之西沙形如卧龍高者二三丈卑者丈餘綿延起伏西盡流沙之地

漢書地理志敦煌郡正西關外有白龍堆沙西域

傳樓蘭最近漢東垂當白龍堆乏水草

魏略西戎傳從王門關西出發都護井回三隴沙北頭經居盧倉從沙西井轉西北過龍堆

按白龍堆為流沙之東境象形以名其沙者也
今自敦煌縣西南境之巴顏布拉克以西流沙
極目蜿蜒出沒之狀猶有存者龍堆之舊於此
可見至魏畧三隴沙應與今三隴山相近所云
都護井居盧倉沙西井者今雖難以確指要在

敦煌縣西境沙磧中槩可知也

流沙

流沙在白龍堆西沙多土少東西數百里渺無垠

洑

尚書禹貢導弱水至于三危餘波入于流沙

山海經流沙出鐘山西行又南行至崑崙墟西南
入海

漢書顏師古注流沙在敦煌西八十里郭義恭廣

志流沙在玉門關外南北二十里東西數百里

周書西域傳善鄯西北有流沙數百里夏日有熱風為行旅之患風之欲至惟老駝知之即鳴而聚立埋其口鼻于沙中人每以為候即將羶擁鼻口其風迅駛斯須過盡

按禹貢三危山即今敦煌縣南境之山迤西為鳴沙山又西為流沙所謂餘波入于流沙也山海經所謂崑崙山指在青海境內之庫勒坤山

而言庫勒坤譯言崑崙在西寧邊外一千四百
五十五里正當敦煌縣西南境也漢書鄯善國
去陽關千六百里周書鄯善國即白龍堆路流
沙在白龍堆西鄯善在白龍堆南則流沙宜在
鄯善西北矣

色爾騰海

互見
水

色爾騰海在安西州西南境外四百里地有廣澤
在古為鄯善國地

漢書西域傳鄯善國本名樓蘭王治杆柅城去陽關千六百里西北去都護治所千七百八十五里西北至車師千八百九十里武帝通大宛諸國樓蘭當道苦之攻劫漢使王恢等以輕騎虜樓蘭王於是列亭障至玉門矣樓蘭最在漢東垂為匈奴反間數遮殺漢使元鳳四年平樂監傳介子刺其王縣首北闕下乃更立尉屠耆為王更名其國為鄯善有伊循城置都尉伊循官鄯善當漢道衝西

通且末七百二十里

〔後漢書西域傳〕建武中小宛精絕戎廬且末為鄯善所并元初六年行長史索班屯伊吾於是鄯善王來降數月北匈奴攻沒班等鄯善求救不許又自敦煌西出玉門關涉鄯善北通伊吾千餘里自鄯善踰葱嶺出西諸國有兩道

〔魏書西域傳〕世祖平涼州沮渠牧犍弟無諱謀渡流沙遣弟安調擊鄯善王比龍連戰不能克比龍

懼西奔且末其世子乃應安周詔散騎常侍成周公萬度歸討之度歸以輕騎五千渡流沙至其境其王真達面縛出降賦役其人比之郡縣

周書異域傳鄯善古樓蘭也所治城方一里地多沙鹵少水草北即白龍堆西北有流沙數百里大統八年率衆內附

隋書地理志鄯善郡大業五年平吐谷渾置在鄯善城即古樓蘭也有蒲昌海鄯善水統縣二顯武

濟遠吐谷渾傳煬帝即位鐵勒犯塞令擊吐谷渾

大敗之復令觀王雄出澆河許公宇文述出西平

以掩之伏允

吐谷渾王名

懼南遁山谷間其故地皆空

自西平臨羗城以西且末以東祁連以南雪山以北東西四千里南北二千里皆為隋有

唐書地理志伊州伊吾郡納職縣貞觀四年以鄯

善故城置開元六年省十五年復置自縣西經獨

泉東華西華駝泉渡茨其水過神泉三百九十里

有羅護守捉又西南經達匪草堆百九十里至赤
亭守捉與伊西路合別自羅護守捉西北上乏驢
嶺百二十里至赤谷又出谷口經長泉龍泉百八
十里有獨山守捉又經蒲類百六十里至北庭都
護府西域傳故納縛波古樓蘭也

按漢書西域傳既云樓蘭國最在漢東垂近漢
當白龍堆又云鄯善國去陽關一千六百里夫
果有一千六百里之隔安得謂之近接龍堆乎

且車師為今闐展噶斯淖爾

見下條

處其西南史

稱鄯善西北至車師其國必在車師東南而居
噶斯淖爾之東矣隋書鄯善郡有蒲昌海者隋
并吐谷渾地以置郡臨羗城以西且末以東皆
為隋有是蒲昌當鄯善之西境實為且末國地
而鄯善故國尚居其東也今合羣書所載証以
王延德高昌行紀歷納職縣望王門闌甚近之
文則今色爾騰海以東地接流沙當屬鄯善納

職之故地延德由伊州而益都而納職則益都
當在哈密之南納職當在沙州之西故望玉門
關甚近也

噶斯

噶斯在安西州西境外色爾騰海西七百里地有

廣澤名噶斯淖爾

詳見水

在古當為且末國地

〔漢書西域傳〕且末國王治且末城西北至都護治
所二千二百五十八里北接尉犁南至小宛可三

日行西通精絕二千里

〔後漢書西域傳〕光武以天下初定未遑外事小宛精絕戎廬且末為鄯善所并後其國並復立

〔魏畧〕南道西行且志國小宛國精絕國樓蘭國皆

并屬鄯善也

按且志國疑是且末之訛

〔魏書西域傳〕且末國都且末城在鄯善西後役屬鄯善西北方流沙數百里

〔唐書西域傳〕于闐東行入大流沙人行無迹故往


返輒迷聚遺骸以識道無水草多熱風觸人及六畜皆迷仆行四百里至故都邈又六百里至故折摩馱那古且末也

按漢自敦煌郡出玉門關西行為鄯善又西為且末色爾騰海為鄯善境則噶斯淖爾為且末境矣又漢書且末北接尉犁又云尉犁東南與且末接又云焉耆南百里至尉犁焉耆為今之哈喇沙爾尉犁當在哈喇沙爾南境噶斯淖爾

又在其東南則正所謂尉犁東南與且末接者
也惟今自陽關西至噶斯淖爾僅行一千二百
餘里以鄯善去陽關一千六百里西通且末七
百里之文証之得二千一百七十里似不相合
然漢書既云樓蘭近白龍堆即不應有一千六
百里之隔且使且末西去陽關二千一百七十
里其境當在焉者尉犁西南又不應云尉犁東
南與且末接也今以漢西域形勢考之出陽關

西南為婁羌正西為鄯善婁羌之西為且末且末之南為小宛皆在烏壘城偏東南境故皆西北至都護治所也且末之西為精絕精絕之南為戎廬皆北與烏壘城相直故皆北至都護治所也精絕之西為扞彌扞彌之南為渠勒皆在烏壘城偏西南境故皆東北至都護治所也漢烏壘城在今天山南路之海都郭勒側則噶斯淖爾正其東南境其為且末之地無疑又西則

為精絕當都護治所之正南西與于闐接壤矣
以上屬敦煌縣西境外地



欽定皇輿西域圖志卷八